


Naupangte' Laisiangtho Pulakna

Mihing Dahna Kipatna



A Gelh: Edward Hughes
A Lim lak: Byron Unger; Lazarus

A Let: S. Thangboi Hatlangh
A Kaikhawm: M. Maillot; Tammy S.

Tangthu 2 pan 60

www.M1914.org

Bible for Children, PO Box 3, Winnipeg, MB R3C 2G1 Canada

Phalna: Hih tangthubu zuaksawn ding ahieh kei buang leh teisawn leh khetkhiat kiphal hi.


Tedim Chin

PASIAN IN NA KHEMPEUH A
PIANGSAK HI! Pasion in mihing
masapen Adam a piansak lai-in, a zi
Eve tawh Eden huan sungah a teng
uh hi. Pasion thu
mangin, ama' sungah
nuamsataka a
om laitak un,
ni khat ...




1

Gulpi in Numei
kiangah "Pasion
in, 'Huan sung
singah khat
peuhpeuh ne
lo ding,' hong
ci ahieh hiam?"
a ci hi.



2



Numei in gulpi
kiangah, "Huan sung
singgah khat simloh
a dang khempeuh ka
ne thei ding uh hi. Ahizongin
tua singgah ne-in, ka lawn khak
bek uh leh zong ka si ding
uh hi," a ci hi. Gulpi in,
"Na si kei ding uh hi,"
ci in a nuihsan hi.

3



"Pasian tawh na
kibang ding uh
hi," a ci zawsop
hi. Tua ciangin
Numei in tua
singgah nek
ding a lunggulh
mahmah hi. Gulpi
thugen umin tua
singgah a ne hi.

4



Tua banga Pasian thu mang lo-a
Numei a om khith a sawt lo in
tua singgah Mipa zong a nesak
hi. Mipa in, "Hi lo hi, Pasian
thu ka nial kei ding
hi," a cih ding
hizaw ngel ven.

5




Tua bang a Mipa
leh Numei a mawh khith uh ciangin
guaktangpi ahih lam hong kithei uh hi. Theitehte
khui tuahin puansilh dingin bawl uh a, Pasian' muh
loh dingin singphung nuai khat ah busim uh hi.

6




Nitaklam khuahun a daih ciangin huan
sungah Pasian hong vak hi. Amah in
Mipa leh Numei' gamtatna khempeuh
a thei hi. Tua ciangin Mipa in Numei
ngawh a, Numei in gulpi a ngawh sawn
hi. Tua ciangin Pasian in, "Gulpi in
samsiatna ngah taken. Numei
in nau a neih ciangin nausuah
gimna lianpi thuak
ding hi," a ci hi.

7




"Mipa aw, nangma' mawhna
hangin leitang in samsiatna
ngahin, ling leh kiakte tawh
kidim ding hi. Gim leh khuah-
ul kai in na nisim annek ding na
zong ding hi," a ci hi.

8




Pasian in Mipa leh Numei a lamdang mahmah huan sung panin a hawlkhia hi. Mawhna a bawl manun, nuntakna a pia Pasian tawh a kihing khen uh hi.




Huan sungah amau gel a lutkik theih nawnlohna dingin Pasian in meikuang namsau tawh a dal hi.




Topa Pasian in Mipa leh Numei a dingin savun puansilh bawlsak hi. Pasian in tua savunte koi pana a ngah hi ding hiam?



A hun hong tun ciangin mipa leh numei sung panin innkuan khat hong piangkha hi. A tapa masapen, Kain pen lokhomi hi-in, a tapa nihna, Abel pen tuucing ahi hi.



Nikhat Kain in lei pana piang gah piakna Topa' tungah paipih a, Abel in zong a tuuhon laka a hoih pente Topa' mai ah hong paipih hi. Topa Abel piakna tungah a lungkim mahmah hi.




Topa in Kain piakna thusim lo ahih manin Kain heh mahmah hi. Ahizongin Pasian in, "ginatakin hih lecin hong kisang lo ding ahi hiam?" a ci hi.

Kain hehna bei siang tuanlo hi.
A sawt loin, huan sung khat ah
Abel sugawpin, a that hi.



15

Pasian in Kain hopih a, "Na sanggampa Abel koi lai ah
om ahi hiam?" ci-in a dong hi. Kain in zuauphuakin,
"ka theikei hi. Kei, ka sanggampa a kempa ka
hi hiam?" ci-in a leh dot hi. Lo a
khawh theih nawn loh nadingin
Pasian in Kain gim pia ahih
manin Kain mi vakvai a
suak hi.



16

Topa omna panin Kain kihemkhia hi. Adam leh Eve
tanu khat kiteenpihin, innkuankhat suakin ta leh
nau a nei uh hi. Tomno khat sungin,
Kain suan leh khakte in a pu Kain
satsa khuapi a luah dim pah uh hi.



17

Tua ahih manin Adam leh Eve te
innkuan milip nakpitakin hong khang
hi. Tua hun lai a mite pen tulai mite
sangin sawt nungta zaw uh hi.



18

Seth hong suah ciangin Eve in, "Pasian
in Abel tangin Seth hong pia hi," a ci hi.
Seth in Pasian kihta-in kum 912 nungta
a, tanu leh tapa tampitak a nei hi.




19

Mihingte siatna khangkhat panin
khang dang ah hong kisluzuih
suksuk ahih manin tu in leitungah
mihingte gamtatna sia
mahmah ta hi.




20

A tawpna ah Pasion in
mihing khempeuh thah
cimih ding leh ...



21

... ganhing leh vasate khempeuh
zong thah cimih ding a ngaihsun
hi. Ahizongin mi khatin Pasion
maipha a na ngah
khinkhian hi ...




22

Amah pen Noah a hihi.
Seth suan Noah pen
thumanin, paubang lo
hi. Amah Pasion
tawh a kikhawl
den mi khat
a hihi.



23

Amah in tapa thum nei a, amaute
zong Pasion thu' mang dingin a pattah
hi. Pasion in tu in Noah a lamdangpi
leh a thupi mahmah khat a zat
dingin ngimna hong
nei hi.



24

Mihing Dahna Kipatna

Pasion kammal pana a hong suak hih tangthute
a nuai a Laisiangtho

munte ah kimu thei hi

Piancilna A Lian 3-6

"Na thu gentelna in Khuavaksak hi."
Late Nambat 119:130

Pasion in mawhna hia a ngaihsut na hoih lo tampi i sep
lamtak a hong thei hi. Mawhna thaman in sihna a hihi.

Pasion in eite hong it mahmah ahih manin, eite' mawhna
hanga singlamteh tunga sihna a thuak dingin a tapa Jesu
a hong sawl hi. Tu-in Jesu thokikin, vantungah om hi.

Tua ahih manin Pasion in i mawhnate tu-in hong
maisak theita hi.

Na mawhna pan a na suahtak nop leh Pasion kiangah hih
bangin thungen in: Topa Pasion aw, ka Topa Jesu kei a
dingin si-in, tu in thokik zo hi, cih ka um hi. Nuntaknathak
ka neihna ding leh a tawntung in na kiangah ka hong om
theihna dingin, hehpihin ka sungah hong teng in la, ka
mawhnate hong maisak in. Amen. Johan 3:16

Laisiangtho sim in la, Pasion a nisimin hopih in!